

འདེའི་ རྩོན་ལས་ སྤྱི་ཁྱབ་པོ་ སྐུ་ཞབས་ Nambudiripad གྱི་ དཔའ་སྐྱོང་ ན་ ཡོད་པའི་ Orchid གྱི་ རྩོན་ལས་ ICAR གྱི་ གཟེར་སྐོར་ གནང་བོ་ སྤང། ཉེན་ ཨ་ རིང་ཀའི་ འབྲས་ལྗོངས་ གཟེར་སྐོར་ ན་ ཡོད་པའི་ ཁོང་ གི་ orchid དབྱས་ དང་ རྟོངས་ཁྱེར་ ན་ འདེའི་ བཏོན་ཐོག་ གྱི་ རྩོན་ལས་ གྱོས་བསྐྱུན་ གནང་བཞིན་ རིཊ་གསར་པོ་ ལུ་ མཉམ་པོ་ གཏམ་ ལུ་ རྒྱབས་པོ་ གནང་བོ་ སྤང། སྤྱི་ཁྱབ་པོས་ མངའ་ལྗེ་ ན་ ཤིང་ལྷམ་ གི་ ཁག་ དང་ ལས་གནས་ ལུའི་ རྩོན་ལས་ ཡོད་པའི་ སྤང་བརྒྱུ་ གྱི་ ཞིབ་གསལ་ ཡང་ ལེན་པོ་ གནང་བོ་ སྤང།

DLC MEETING – MANGAN

Sikkim Inspire ཆར་གཞིའི་ རང་ཚུད་ economic inclusion action plan ལྟེང་ལོ་ གྱོས་བསྐྱུན་ གནང་བའི་ རྩོན་ལས་ ད་རིང་ མན་གན་ གྱི་ དཔེན་སྒྲག་ ན་ ཡོད་པའི་ རྫོང་དཔོན་ Chamber ན་ རྫོང་ཁ་ མཁས་ གྱི་ རྫོང་པོའི་ རྫོང་བསྐྱུ་ གཅིག་ བཟུང་བོ་ སྤང། མན་གན་ རྫོང་དཔོན་ དང་ དབུ་འཛིན་ སྐུ་ཞབས་ Anant Jain གྱི་ གལ་ཆེན་ སྤྱུ་འགན་ ན་ བཟུང་ ཡོད་པའི་ རྫོང་བསྐྱུ་ ན་ རྫོང་དཔོན་ གཙོ་བོ་ དང་ འབྲས་མི་ རྩང་ཆེན་ རྫོང་ཁ་ Nodal ལས་འཛིན་ སྐུ་ཞབས་ Kashi Raj Limboo དང་ མཉམ་པོ་ གཞན་ གྱི་ ཡང་ སྤྱུ་འགན་ བཞེས་པོ་ གནང་བོ་ སྤང། རྫོམ་པོ་ འདེ་ འབྲས་ལྗོངས་ གཞུང་ དང་ འཛམ་གླིང་ དངུལ་ཁང་ གྱི་ བར་ ན་ ཐབས་ཚུལ་ གཅིག་ མིན་ འདེའི་ དམེར་དབྱས་ གཙོ་བོ་ འདེ་ ཡར་རྒྱས་ དང་ དབུ་ཁྲི་ ན་ མཐོང་ ཡོད་པའི་ དཀའ་ངལ་ ལུའི་ དགོས་གསལ་ གནང་བཞིན་ སུམ་ དང་ གཞོན་པོ་ ལུའི་ རྩོན་ལས་ དངུལ་གྱི་ གོ་སྐབས་ ལུ་ ཡར་རྒྱས་ བཟོ་ཤད་ མིན། རྫོང་བསྐྱུ་ ན་ རྫོང་དཔོན་ གྱི་ དཀའ་ངལ་ ལུའི་ རོ་སྤྱོད་ གནང་ཤད་ དང་ མཉམ་པུ་ ཡུལ་གྱིངས་ མི་མོངས་ ལུ་ ལོ་ གལ་ཆེན་ བྱན་ལྗེ་ རྫོང་ཁའི་ དངུལ་ གྱི་ ཆད་དབང་པོ་ ཡར་རྒྱས་ བཟོ་ཤད་ ན་ ཡོད་པའི་ གལ་ཆེན་ ལྟེང་ལོ་ གསལ་བྲུ་ གནང་བོ་ སྤང།

ROAD OPEN

རྒྱལ་ཁོང་ བོར་ཕྱོག་ ས་གནས་ ཡི་ རང་ཚུད་ Phyang རྒྱ་སྐྱོང་ Dashi གྱི་ རྩོན་ལས་ དགག་ཆ་ འཛོན་ ཡོད་པའི་ བཟོ་རྩུ་ ལམ་ ད་རིང་ ཁ་ཕྱེ་ བཞག་ ཡོད། བཟོ་རྩུ་ ལམ་ འདེ་ ཡུལ་གྱིངས་ གྱི་ མི་སེར་ ལུའི་ ཐབས་ཚུལ་ ན་ ཁ་ཕྱེ་བོ་ མིན། མི་མོངས་ གཡོག་དོན་ ལས་ལག་ གི་ མངའ་འོག་ ན་ Burfok ལས་ Rungdu འཛོན་བཞིན་ Barthang, Bermiok Martam དང་ གཞན་ ས་གནས་ ན་ སྤེབས་མཁན་ བཟོ་རྩུ་ ལམ་ འདེ་ Phyang རྒྱ་སྐྱོང་ གྱི་ ཟམ་པོ་ མདུན་ ལོ་ དུས་ཚད་ རིང་གོ་ ལས་ རྒྱུན་ལྷན་ ཤོར་ ཡོད་པོ་ སྤང།

RUN FOR AYURVEDA

Ayurveda སྤྱི་སྤྱུར་ གྱི་ རོས་ ན་ རྫོམ་པོ་ གཅིག་ དང་ འདེའི་ འཕྲོད་བསྟེན་ ལེགས་ ལྟེང་ལོ་ བྱངས་བྲུ་ བཟོ་བའི་ རྩོན་ལས་ རྒྱ་གར་ གཞུང་ གི་ Ayush རྫོན་ཚེར་ ཁང་ གི་ རང་ཚུད་ Ayurvedic རིཊ་གསར་ ན་ ཡུལ་གྱིངས་ Ayurved དབྱས་ གྱི་ ད་རིང་ Ayuved གྱི་ རྩོན་ལས་ རྒྱུ་མཚོང་ ལས་རིམ་ གཅིག་ བྱས་པོ་ གནང་བོ་ སྤང། དབྱས་ གྱི་ ལས་གནས་ ལུའི་ སྤྱུ་འགན་ བཞེངས་ ཡོད་པའི་ རྒྱུ་མཚོང་ འདེ་ རོ་པའི་ རྒྱ་ཚོད་ ༤ ལས་ འགོ་བཙུག་ གོ་ སྤང། འབྲས་མི་ ལུས་ Nar Bahadur Bhandari གཞུང་ གི་ རྫོབ་བྲུ་ ཆེན་པོའི་ རྩེས་ཐང་ ན་ སྤེབས་ལྗེ་ ས་གནས་ ལོག་ སྤེབས་པའི་ རྒྱབ་ལས་ རང་ གི་ རྒྱུ་མཚོང་ འཇུག་སྤྱུས་པོ་ སྤང། རྫོམ་པོ་ འདེའི་ མི་སེར་ ལུ་ ལོ་ རང་ གི་ མི་ཆེ་ ན་ འཕྲོད་བསྟེན་ དང་ བདེ་དོན་ གྱི་ རྩོན་ལས་ ཐམས་ཅད་ ལོ་ Ayuved ལོ་ ལག་ལེན་ གནང་བའི་ རྩོན་ལས་ སྤྱུ་ཤུ་ བྱིན་པོ་ གནང་ཤད་ མིན།